



Gimnazijska 3, 71000 Sarajevo

Tel./fax: 033 21 66 85; tel: 033 44 26 99 – direktor; 033 20 35 67 – centrala

Broj: 01-1-9-1719/26
Sarajevo, 17.08.2026. godine

Na osnovu člana 108. Zakona o odgoju i obrazovanju u osnovnoj i srednjoj školi u Kantonu Sarajevo ("Službene novine KS" broj 27/24) i člana 223 stav (2) tačka f) Pravilnika za prijem radnika u radni odnos u osnovnim i srednjim školama kao javnim ustanovama na području Kantona Sarajevo ("Službene novine Kantona Sarajevo" broj: 8/25, 37/25 i 16/26), i Saglasnosti Ministarstva za odgoj i obrazovanje Kantona Sarajevo broj: 11-06-30-52965-1719/26 od 17.08.2026. godine, Školski odbor na 82. sjednici, održanoj dana 2026. godine donosi

ODLUKU **o poništenju Javnog konkursa**

I – Poništava se Javni konkurs, koji je putem Modula, objavljen dana 25.05.2026. godine na službenoj internet stranici Ministarstva za odgoj i obrazovanje Kantona Sarajevo - www.mo.ks.gov.ba i službenoj internet stranici „Službe za zapošljavanje Kantona Sarajevo“ - www.szks.ba za popunu upražnjenih radnih mjesta radi za pozicije iz konkursa, pod rednim brojem:

3. Nastavnik/ica matematike..... 1 izvršilac, puna nastavna norma, na neodređeno vrijeme od okončanja konkursne procedure, a ne ranije od 01.09.2026. godine, uz probni rad u trajanju od tri mjeseca.

II – Obavijest o poništenju Javnog konkursa će biti objavljena na službenoj internet stranici Ministarstva za odgoj i obrazovanje Kantona Sarajevo.

III – Ova Odluka stup na snagu sa danom donošenja.

Obrazloženje

Direktor Škole se dana 03.08.2026. godine obratio Ministarstvu za odgoj i obrazovanje Kantona Sarajevo, putem Modula, zahtjevom za saglasnost za poništenje Javnog konkursa za popunu upražnjenog radnog mjesta za školsku 2026/2027. godinu, za poziciju pod rednim brojem 3. Nastavnik/ica matematike – 1 izvršilac, puna nastavna norma, na neodređeno vrijeme od okončanja konkursne procedure, a ne ranije od 01.09.2026. godine, uz probni rad u trajanju od tri mjeseca.

Zahtjev za davanje saglasnosti za poništenje navedene pozicije Javnog konkursa podnesen je zbog nastupanja okolnosti utvrđenih članom 23. stav (2) tačka e) Pravilnika o prijemu radnika u radni odnos u osnovnim i srednjim školama kao javnim ustanovama na području Kantona Sarajevo.

Naime, nakon provedene konkursne procedure za navedeno radno mjesto donesena je Odluka o izboru radnika broj: 01-3-18-1638/26 od 27.07.2026. godine, kojom je izvršen izbor prvorangirane kandidatkinje.

Na navedenu Odluku kandidatkinja Benina Ibrahimović blagovremeno je izjavila žalbu, zaprimljenu pod brojem 34-16663/26 od 29.07.2026. godine, navodeći da je Komisija za utvrđivanje prijedloga za izbor radnika prilikom verifikacije dokumentacije i bodovanja izabrane kandidatkinje nepravilno primijenila odredbe koje se odnose na priznavanje dodatnih bodova po osnovu pripadnosti boračkoj populaciji.

Postupajući po žalbi, Školski odbor JU Prva gimnazija Sarajevo izvršio je uvid u cjelokupnu konkursnu dokumentaciju za predmetno radno mjesto, kao i provjeru podataka u EMIS informacionom sistemu.

Uvidom u EMIS informacioni sistem utvrđeno je da je izabrana kandidatkinja u vrijeme prijave na Javni konkurs bila zaposlena na neodređeno vrijeme na radnom mjestu koje odgovara njenoj stručnoj spremi, što je potvrđeno i dokazom o zaposlenju na neodređeno vrijeme – potvrdom „Srednje tehničke škole Bugojno“, broj: 04.1-356/26 od 25.05.2026. godine.

Članom 15. stav (2) tačka g) Pravilnika o prijemu radnika u radni odnos u osnovnim i srednjim školama kao javnim ustanovama na području Kantona Sarajevo („Službene novine Kantona Sarajevo“, broj 8/25, 37/25 i 16/26) propisano je da je, pored dokaza o pripadnosti boračkoj populaciji, kao dodatnu dokumentaciju potrebno dostaviti uvjerenje da se kandidat nalazi na evidenciji JU „Služba za zapošljavanje Kantona Sarajevo“, odnosno uvjerenje ili potvrdu da je kandidat zaposlen na određeno vrijeme ili sa nižom stručnom spremom od one koju posjeduje.

Iz navedene odredbe proizlazi da se dodatni bodovi po osnovu pripadnosti boračkoj populaciji ne mogu priznati kandidatu koji je zaposlen na neodređeno vrijeme sa stručnom spremom koja odgovara radnom mjestu za koje je raspisan Javni konkurs.

Kako je u konkretnom slučaju utvrđeno da su izabranoj kandidatkinji prilikom bodovanja priznati dodatni bodovi po osnovu pripadnosti boračkoj populaciji, iako za ostvarivanje tih dodatnih bodova nisu bili ispunjeni propisani uslovi, navedeno je neposredno uticalo na konačnu rang-listu kandidata, a samim tim i na donošenje Odluke o izboru radnika.

Školski odbor JU Prva gimnazija Sarajevo je stoga na 80. sjednici, održanoj dana 30.07.2026. godine, donio Odluku broj: 01-1-9-1672/26, kojom je žalbu kandidatkinje Benine Ibrahimović prihvatio kao osnovanu.

Imajući u vidu da je u provedenoj konkursnoj proceduri utvrđena nepravilnost u bodovanju koja je neposredno uticala na konačnu rang-listu kandidata i izbor prvorangiranog kandidata, nastupile su okolnosti zbog kojih nije moguće zakonito okončati konkursnu proceduru na osnovu utvrđene rang-liste, zbog čega je direktor Škole zatražio saglasnost Ministarstva za odgoj i obrazovanje Kantona Sarajevo za poništenje Javnog konkursa za navedeno radno mjesto.

Obzirom da je Ministarstvo za odgoj i obrazovanje Kantona Sarajevo Školi dostavilo Saglasnost za poništenje Javnog konkursa za popunu upražnjenih radnih mjesta za školsku 2026/2027. godinu, broj: 01-1-9-1672/26 od 30.07.2026. godine, odlučeno je kao u dispozitivu ove Odluke.

Dostavljeno:

- Komisiji za utvrđivanje prijedloga za prijem radnika u radni odnos JU Prva gimnazija Sarajevo
- Modul
- Uz zapisnik Školskog odbora;
- a/a.



PREDSJEDNICA ŠKOLSKOG ODBORA

Zakija Šenderović

Zakija Šenderović